

आकाशवाणी

खबरां जगमोहन शर्मा कोला

पैहले खास-खास खबरां:-

1. केन्द्रीय मंत्रीमंडल नै 4 रेलवे ते इक सिड़क परियोजना समेत 5 महत्वपूर्ण परियोजनाएं गी मंजूरी दिती ऐ- जिंदी लागत कोई 13 जहार करोड़ रपे कोला मती ऐ।
2. केन्द्री गृहमंत्री अमित शाह होर अज्ज तमिलनाडू दे महाबली पुरम च दक्खनी क्षेत्रीय परिशद दी 31मीं बैठक दी अध्यक्षता करडन।
3. केन्द्री गृह मंत्री अमित शाह होर अज्ज तमिलनाडू दे महाबली पुरम च दक्खनी क्षेत्रीय परिशद दी 31मीं बैठक दी अध्यक्षता करडन।
4. भारत ते सिंगापोर बशकार मंत्री सतह दा चौथा गोलमेज सम्मेलन अज्ज सिंगापोर च लगगा रदा ऐ।
5. बंगलादेश च नमां राष्ट्रपति चुनने लेई चुना अज्ज करोआया जा'रदा ऐ।
6. अमरीकी राष्ट्रपति डोनाल्ड ट्रम्प होरे इरान खलाफ अजें धोड़ी दे सब्भनं शा बड्डे आर्थिक युद्ध दा ऐलान करदे होई आखेआ ऐ कि इरान दी मदद करने आहलें मुख्यें गी बी भारी आर्थिक नुकसान झल्लना पेई सकदा ऐ।
7. FIH महिला हॉकी विश्व कप दे पूल-डी मकाबले च अज्ज भारतीय महिला हॉकी टीम दा सामना इंग्लैंड कन्नै होग।

<><><><><><>

ते हून खबरा विस्तार कन्नै:-



Union Cabinet Projects

केन्द्रीय मंत्रीमंडल नै 5 परियोजनाएं गी मंजूरी दिती- जिंदे च 4 रेलवे परियोजना ते इक राष्ट्रीय जरनैली सिड़क सरबन्धी परियोजना शामिल ऐ। नमीं दिल्ली च मंत्रीमंडल दी बैठक मगरा मीडिया गी जानकारी दिंदे होई सूचना ते प्रसारण मंत्री अश्विनी वैष्णव होरें दस्सेआ जे प्रधानमंत्री नरेन्द्र मोदी हुंदी अगुआई च केन्द्रीय मंत्रीमंडल नै 13 जहार 41 करोड़ रपे दी परियोजनाएं गी मंजूरी दिती। वैष्णव होरें दस्सेआ जे रेलवे दी 4 मल्टीट्रैकिंग परियोजना पश्चिम बंगाल- ओडिशा- तमिलनाडू ते आंध्र प्रदेश दे 8 जिलें दी सेवाएं दे दायरें च आनडन। एह परियोजना लगभग 9 जहार 450 करोड़ रपे दी लागत कन्नै पूरियां होडन ते इन्हेंगी सबूरा करने लेई 2030-31 दा लक्ष्य रक्खेआ गेआ ऐ। वैष्णव होरें दस्सेआ जे केन्द्रीय मंत्रीमंडल नै बिहार च राष्ट्रीय जरनैली सिड़क 22 दे मुजफ्फरपुर सीतामढ़ी सोनबरसा खंड गी 4 लेन आहले मानक राजमार्ग च अपग्रेड करने लेई मंजूरी देई दिती ऐ। एह परियोजना 3 जहार 590 करोड़ थमां मती दी कुल पूंजी लागत कन्नै विकसित कीती जाग।



Amit Shah- Tamil Nadu Meeting

केन्द्री गृहमंत्री अमित शाह होर अज्ज तमिलनाडू दे महाबली पुरम च दक्खनी क्षेत्रीय परिशद दी 31मीं बैठक दी अध्यक्षता करडन। इस बैठका च तमिलनाडू दे मुखमंत्री सी.जोसेफ विजय ते होरनें दक्खनी राज्यें दे प्रतिनिधि हिस्सा लैगन। अमित शाह हुंदी अध्यक्षता च होने आहली इस बैठका च अंतराष्ट्रीय सहयोग- नदियें ते पानी दी बंड-

क्षेत्रीय विकास ते इलाके दी नमें सिरेया हदबंदी जनेह मुद्दे पर गल्लबात होने दी मेद ऐ।

<><><><><><>

Def Sec. Armenia Visit

रक्षा सचिव राजेश कुमार सिंह होरें आर्मेनिया दी अपनी 2 दिन दी यात्रा पूरी करी लैती । यात्रा दौरान उन्हें आर्मेनिया दे उप-रक्षामंत्री करेन ब्रुटयान ते जनरल स्टॉफ प्रमुख एडवर्ड Asryan हुंदे कन्नै दपक्खी बैठक कीती। रक्षा मंत्रालय नै दस्सेआ जे गल्लबात च रक्षा ते सैन्य तकनीकी सहयोग दे सारे पैहलुएं पर चर्चा होई- जेदे च क्षमता निर्माण- सिखलाई- सैन्य तकनीकी सहयोग ते रक्षा अनुसंधान ते विकास पर खास जोर दिता गेआ। मंत्रालय नै एह बी आखेआ जे दौनों पक्खें भारतीय ते आर्मेनियाई सशस्त्र बलें बश्कार सांझे सेवा स्टॉफ गल्लबात गी संस्थागत बनाने आस्तै संदर्भ दी शर्ते दा आदान-प्रदान कीता।

<><><><><><>

Defence Minister -Japanese DM

रक्षामंत्री राजनाथ सिंह होर अज्ज नमीं दिल्ली च जापान दे रक्षा मंत्री शिंजिरो कोइजुमी हुंदे कन्नै दपक्खी बैठक लाडन। इस बैठक च दपक्खी रक्षा सरबंध होर मज़बूत होडन- रणनीतिक भरोसा ते सहयोग बढोग ते हिंद-प्रशांत क्षेत्र च स्थिरता ते सुरक्षा गी बढावा थहोग। दवै मंत्री समुन्द्री सुरक्षा च सहयोग ते मेक-इन-इंडिया फ्रेमवर्क तैहत रक्षा उपकरणों ते तकनीक दे क्षेत्र च करीबी सहयोग पर विचार-विमर्श करडन।

भारत दी अपनी पैहली यात्रा दौरान शिंजिरो कोइज़ुमी होरें कल मुम्बई च वेसर्टन नेवल कमांड दा दौरा कीता ते उच्च अधिकारिण कन्नै गल्लबात कीती ही।

<><><><><><>

India -Singapore

भारत सिंगापोर बश्कार मंत्री सतह दा चौथा गोलमेज सम्मेलन अज्ज सिंगापोर च लग्गा रदा ऐ। सिंगापोर च लगने आहले इस सम्मेलन च भारत दी तरफा 4 प्रमुख मंत्री हिस्सा लैने जा'रदे न जिंदे च खजाना मंत्री निर्मला सीतारमण- विदेशमंत्री डाक्टर एस. जयशंकर- उद्योग ते बपार मंत्री पीयूष गोयल ते राज्यमंत्री जितिन प्रसाद शामिल न। गोलमेज सम्मेलन च जिनें प्रमुख मुद्दें पर चर्चा होनी ऐ उन्दे च बपार-कारोबार बधाने ते रासपूंजी लाने च सहयोग- डिजिटल सांझेदारी ते नमिणें तकनीकें बारे बिचार-बटांदरा ते दोनै मुख्यें बश्कार रणनीतिक सरबंघें दी समीक्षा ते विस्तार शामिल न।

<><><><><><>

Bangladesh Election

बंगलादेश च नमां राष्ट्रपति चुनने लेई चुना अज्ज करोआया जा'रदा ऐ जित्थे पारदर्शता बनाई रखने लई वोटें दी गिनतरी दा लाइव प्रसारण कीता जाहग। बंगलादेश दे मुख चुनां आयुक्त ए.एम.एम. नासिर उद्दीन होरे इस बारे जानकारी दिंदे होई दस्सेआ ऐ जे चुना पूरी चाल्ली रमानदारी ते बवस्था आहले ढंगे सिर करोआने लेई सारे बंदोबस्त करी लैते गेदे न। इस मकाबले च सत्ताधारी पार्टी BNP दे मेदवार मिर्जा फखरुल इस्लाम आलमगीर ते मुख विरोधी पार्टी जमात-ए-इस्लामी दी अगुआई

आहले 11 दलें दे गठबंधन दे मेदवार रिटायर्ड कर्नल ओली अहमद आमने-सामने होडन। मतदान अज्ज दपैरी 2 बजे कोला शामी 5 बजे धोड़ी चलोग।

<><><><><><>

SIR Deadline

दिल्ली च चलै करी मतदाता सूचिएं दी नमें सिरेया तफसीली नजरसानी SIR दे तैहत दरखास्त देने दी खीरी तरीक बधाइयें 24 अगस्त करी दिती गई ऐ। दिल्ली दे मुख चुना अधिकारी मुजब तरमीम कीते दे कार्यक्रम तैहत मतदाता सूचिएं दा मसौदा हून इस म्हीने दी 31 तरीक गी शायी कीता जाहग। दावे ते ऐतराज दर्ज कराने दी अखीरी तरीक अगले म्हीने दी 30 तरीक होग। इ'नें ऐतराजें ते दावें दे नबेड़े दी प्रक्रिया 31 अक्तूबर तगर पूरी करी लैती जाहग जेहदे परैन्त 4 नवम्बर गी फाइनल मतदाता सूचि जारी करी दिती जाहग।

<><><><><><>

Trump-Iran

अमरीकी राष्ट्रपति डोनाल्ड ट्रम्प होरे इरान खलाफ अजें धोड़ी दे सब्भनें शा बड्डे आर्थिक युद्ध दा ऐलान करदे होई आखेआ ऐ कि इरान दी मदद करने आहलें मुख्यें गी बी भारी आर्थिक नुकसान झल्लना पेई सकदा ऐ। ट्रम्प ने तेल दी तस्करी- रपे/पैहे दे मुंतकिल करने- करंसी स्वैप- एक्सचेंज हाउस- फ्रुट कम्पनिएं ते ज्हाजें दे पंजीकरण पर तुरंत रोक लाने दी मंग कीती ऐ। एह घोषणा अमरीका ते इरान बश्कर चला'रदे गतिरोध ते गल्लबात बे-नतीजा रौहने दे बाद कीती गई ऐ।



US Envoy –Travel

भारत च अमरीका दे राजदूत Sergio Gar होरें आखेआ ऐ जे अमरीका- जम्मू कश्मीर दी जातरा बारे जारी कीती गेदी अपनी सलाहें पर परतियै गौर करोग- कीजे केन्द्र सरकार ते मुखमंत्री उमर अब्दुल्ला होरें जम्मू-कश्मीर गी इक मती सुरक्षित थाहर बनाने लेई केई गेंही पुट्टियां न। मुखमंत्री उमर अब्दुल्ला हुंदे कन्नै इक सांझो संवाददाता सम्मेलन दरान अमरीकी राजदूत Gar होरें आखेआ जे जम्मू-कश्मीर भारत दा इक महत्वपूर्ण हिस्सा ते बड़ी गै खूबसूरत थाहर ऐ। उ'नें आखेआ जे अमरीका - हालात दे मताबक बक्ख-बक्ख इलाकें जां मुखें दी जातरा बारे सलाह जारी करदा ऐ ते अक्सर जातरा सरबन्धी इ'नें चेतावनियें दा परतियै मूल्यांकन बी कीता जंदा ऐ। Gar होरें आखेआ जे हाल दी घड़ी ओह कोई बड्डे ऐलान नेंई करी सकदे पर इक गल्ल जरूर ऐ जे उन्दा मुख्य पक्क गै इस मामले पर बचार करोग।



Hockey

FIH महिला हॉकी विश्व कप दे पूल-डी मकाबले च अज्ज भारतीय महिला हॉकी टीम दा सामना इंग्लैंड कन्नै होग। सलीमा टेटे दी कप्तानी आहली भारती टीम इस मैच च उतरियै अपने भखे दे जित्त दे एंट गी जारी रखने ते पैहली थाहरै पर बने रौहने दी कोशश करोग। मैच भारती समे दे मताबक संजा साड्डे 6 बजे शुरू होग। अपने पिच्छले मकाबले च दक्खन अफ्रीका गी 6-1 कन्नै रहाइयै ते चीन खिलाफ मैच बरोबरी पर खत्म करियै भारत पुल-डी च पैहले नम्बरै पर बने दा ऐ।



Shri Buddha Amarnath

जम्मू दे भगवती नगर जातरी निवास थमां अज्ज बड्डलै श्री बुड्डा अमरनाथ श्रद्धालुएं दा चौथा जत्था पुंछ जिले दी मंडी तैहसील लेई रवाना होआ। अधिकारिक तौर पर हासल जानकारी मूजब- कुल इक जहार 185 श्रद्धालुएं दे इस जत्थे च 818 मर्द- 330 महिलां- 27 बच्चें ते 11 साधु शामिल न। एह श्रद्धालु कुल 27 लौहकी- बड्डी गड्डिएं दे काफिले च सोआर होइयै पुंछ जिले लेई रवाना होए दे न। श्रद्धालुएं दी आओ-जाई गी सुरक्षित बनाने लेई जातरा-रुट पर सुरक्षा सने होर बी लोडचदे बंदोबस्त जकीनी बनाए गेदे न। श्री बुड्डा अमरनाथ जातरा लेई उपलब्ध सेवाएं-सुविधाएं दी श्रद्धालुएं आसेआ बड़ी मती सराहना कीती जा'रदी ऐ।

